



USIZO OLUVELA PHEZULU

**IHLELWE
NGUWATSON GOODMAN**

**LENCWADI INIKEZWA NGESIHLE,
AYITHENGISWA**

USIZO OLUVELA PHEZULU

Lencwajana “USIZO OLUVELA PHEZULU” yenziwe ngokuqoqa amavesi akhuluma ngesihloko esisodwa ezindaweni ezahlukeneyo eBhayibhelini. Mina ngikholwa ukuthi incwadi ekwazi ukuchaza kangcono iBhayibheli yilona iBhayibheli uqobo lwalo.

IZwi likaNkulunkulu livela phezulu futhi linosizo olukhulu kulabo abahliziyo zabo zilambele zomele ukulungana. Uma umuntu ephenduka adele izono, amamukele uJesu ukuba ahlale enhliziyweni yakhe, ekholwa ngayo yonke inhliziyo yakhe ukuthi uJesu unguMsindisi, iNkosi Iyazambula kuyena imnike intokozo kanye nokuthula kwayo. Lokhu kwenzeka kimina ngomnyaka ka1937. Kusukela kulowomnyaka abuzange bungilahlekele lobobudlelwano noNkulunkulu. Ngiyakuncenga nawe uma ungakazinikeli kuJesu ngikuncenga ukuba uzinikele kuyena **MANJENJE**, umamukele abe yiNkosi noMsindisi wakho.

— Watson Goodman

UTHANDO LUKANKULUNKULU

1

NgokukaJohane 3:16

Ngokuba uNkulunkulu walithanda izwe kangaka, waze wanikela ngeNdodana yakhe ezelwe yodwa ukuba yilowo nalowo okholwa yiyo angabhubhi, kodwa abe-nokuphila okuphakade.

UJeremiya 31:3

UJehova wabonakala kimi eku-de, wathi: Ngikuthandile ngothando oluphakade; ngalokho ngikudonsile ngomusa.

IsAmbulo 1:5

NakuJesu Kristu ufakazi othembekayo, izibulo labafileyo nombusi wamakhosi omhlaba. Kuye osithandayo nowasikhululayo ezonweni zethu ngegazi lakhe.

KwabaseRoma 5:8

Kepha uNkulunkulu uyabonakalisa ukusithanda kwakhe ngalokhu ukuthi, siseyizoni, uKristu wasifela.

NgokukaJohane 13:1

Kwathi ngaphambi komkhosi wePhasika uJesu azi ukuthi isikhathi sakhe sesifikile ukuba amuke kulelizwe, aye kuYise, ebathandile abakhe abasezweni wabathanda kwaze kwaba-sekupheleni.

NgokukaJohane 15:13

Akakho onothando olukhulu kunalolo lokuba adele ukuphila kwakhe ngenxa yabahlobo bakhe.

NgokukaMathewu 1:22, 23

Lokhu konke kwenzeka ukuba kugcwaliseke okwakhulunywa yi-Nkosi ngomprofethi ukuthi: Bheka, intombi iyakukhulelwa, izale indodana; bayakuyiqamba igama lokuthi uEmanuweli okungakuthi ngokuhunyushwa uNkulunkulu unathi.

I kuThimothewu 3:16

Kuvunyiwe ukuthi inkulu imfihlakalo yokukhonza uNkulunkulu yokuthi: Owabonakaliswa enyameni, walungisiswa emoyeni, wabonwa yizingelosi, washunya yelwa ezizweni, wakholeka ezweni, waphakanyiselwa enkazimulweni.

NgokukaJohane 14:9, 10a

UJesu wathi kuye: Isikhathi esingaka ngimani, awukangazi, Filiphu, na? Ongibonile mina ubonile uBaba; usho kanjani ukuthi: Sikhombise uYihlo, na? Awukholwa ukuthi ngikuBaba, noBaba ukimi, na?

NgokukaJohane 1:1, 14

Ekuqaleni wayekhona uLizwi, uLizwi wayekuNkulunkulu, uLizwi wayenguNkulunkulu. . . ULizwi waba-yinyama, wakha phakathi kwethu, sabona inkazimulo yakhe, inkazimulo njengeyozelwe yedwa kuYise, egcwele umusa neqiniso.

I kaJohane 4:15

Lowo ovuma ukuthi uJesu uyiNdodana kaNkulunkulu, uNkulunkulu uhlala kuye, naye kuNkulunkulu.

KwabaseKolose 2:9

Ngokuba kuhlala kuye ngokomzimba ukugcwala konke kobuNkulunkulu.

Ulsaya 9:6

Ngokuba sizalelwa umntwana, siphiswa indodana; umbuso uyakuba-semahlombe akhe, negama lakhe liyakuthiwa uMluleki omangalisayo, uNkulunkulu onamandla, uYise ongunaphakade, iNkosi yokuthula.

NgokukaMathewu 17:5

Esakhuluma, bheka ifu elikhanyayo labasithibeza; bheka, kwavela izwi efwini, lathi: Lo uyiNdodana yami ethandekayo engithokozile ngayo; yizweni.

NgokukaLuka 1:35

Ingelosi yaphendula, yathi kuye: UMoya oNgcwele uzakuza phezu kwakho, amandla oPhezu-konke akusibekele; ngakho-ke okungcwele okuzozalwa kuzakuthiwa iNdodana kaNkulunkulu.

NgokukaMathewu 3:17

Bheka, kwavela izwi ezulwini, lithi: Lo uyiNdodana yami ethandekayo engithokozile ngayo.

UJESU UZISHO UKUTHI UNGUBANI

NgokukaJohane 11:25

UJesu wathi kuye: Mina ngingukuvuka nokuphila; okholwa yimi, noma efa, wophila.

NgokukaJohane 13:13

Ningibiza nithi: Mfundisi, Nkosi; nisho kahle, ngokuba ngiyikho.

NgokukaJohane 8:23

Wathi kubo: Nina ningabaphansi, mina ngingowaphezulu; nina ningabalelizwe, mina angingowalelizwe.

NgokukaJohane 8:58

UJesu wathi kubo: Ngiqinisile, ngiqinisile ngithi kini: Engakabikho uAbrahama, ngangikhona mina.

NgokukaJohane 10:7

Ngakho-ke uJesu wabuye wathi kubo: Ngiqinisile, ngiqinisile ngithi kini: Mina ngiyisango lezimvu.

NgokukaJohane 6:35

UJesu wathi kubo: Mina ngiyisinkwa sokuphila; ozayo kimi kasoze alamba, nokholwa yimi kasoze oma.

NgokukaJohane 4:25, 26

Owesifazane wathi kuye: Ngiyazi ukuthi uMesiya uyeza, othiwa uKristu; nxa esefikile yena, uyakabizela konke. UJesu wathi: Nginguye mina engikhuluma nawe.

NgokukaMathewu 20:30, 34

**Bheka, kwakuhlezi izimpumpu-
the ezimbili ngasendleleni; kuthé
zizwa ukuthi uJesu uyadlula, za-
memeza zathi: Nkosi, Ndodana
kaDavide, sihawukele! . . . UJe-
su waba-nesihe, waphatha amehlo
azo; zase zibona masinyane, za-
mlandela.**

NgokukaMathewu 14:19-21

**Wayeseyala izixuku ukuba zi-
hlale phansi etshanini, wazithaba-
tha izinkwa eziyisihlanu nezinhl-
anzi ezimbili, wabheka ngasezulwi-
ni, wazibusisa, wazihlephula, wa-
banika abafundi izinkwa, abafu-
ndi baphakela izixuku. Badla bo-
nke, basutha, babutha imvuthulu-**

**ka eseleyo, iziqabetho eziyishumi
nambili ezigcwele. Kepha abadla-
yo kwakungathi amadoda ayizi-
nkulungwane eziyisihlanu nga-
phandle kwabesifazane naba-
ntwana.**

NgokukaLuka 5:4-6

**Kuthé esegcinile ukukhuluma,
wathi kuSimoni: Qhubekela eku-
juleni, nehlise amanetha enu, ni-
bambe. USimoni waphendula wa-
thi: Nkosi, sishikile ubusuku bo-
nke, asibambangalutho; kepha
ngezwi lakho ngiyakuwehlisa a-
manetha. Sebekwenzile lokho ba-
bamba izinhlanzi eziningi kakhu-
lu, aze agqabuka amanetha abo.**

KwabaseKolose 1:16

Ngokuba kwadalelwa kuyo konke okusezulwini nasemhlabeni, okubonwayo nokungenakubonwa, nokuba kuyizihlalo zobukhosi, nokuba kuyimibuso, nokuba kuyizikhulu, nokuba kuyiziphathimandla; konke kwadalwa ngayo, kwadalelwa yona.

KumaHeberu 1:2

UNkulunkulu . . . ekugcineni kwalemihla ukhulumé kithina ngeNdodana ayimisé ibe-yindlala yakho konke, owadala ngayo futhi izwe.

KwabaseRoma 14:9

Ngokuba ngenxa yalokho uKristu wafa, wabuye waphila ukuba

abe-yiNkosi yabafileyo neyaphilayo.

NgokukaJohane 1:3

Konke kwavela ngaye; ngaphandle kwakhe akuvelanga-lutho kukho konke okuvelileyo.

I kwabaseKorinte 1:9

Uthembekile uNkulunkulu, okungaye nabizelwa ekublanganyeleni neNdodana yakhe uJesu Kristu iNkosi yethu.

IzEnzo 2:36

Ngakho indlu yonke yakwa-Israyeli mayazi impela ukuthi uNkulunkulu umenzile iNkosi no-Kristu uJesu lo enambethela nina esiphambanweni.

UJESU KRISTU UNGUM AHLULELI WABO BONKE

7

NgokukaMathewu 25:32

**Kuzakubuthelwa phambi kwa-
yo izizwe zonke, ibahlukanise a-
banye kwabanye, njengomalusi
ahlukanisa izimvu nezimbuzi.**

NgokukaJohane 5:22

**Ngokuba noYise kahluleli-mu-
ntu; ukuniké iNdodana konke u-
kwahlulela.**

KwabaseRoma 14:10

**Kepha wena umahlulelelani u-
mzalwane wakho na? Futhi u-
mdelelelani umzalwane wakho
na? Ngokuba sonke siyakumiswa
phambi kwesihlalo sokwahlulela
sikaNkulunkulu.**

IzEnzo 10:42

**Wasiyala ukuba sishumayele
kubantu, sifakaze ukuthi: Nguye
omiswé nguNkulunkulu ukuba a-
be-nguMahluleli wabaphilayo na-
bafileyo.**

KwabaseRoma 2:16

**Ngosuku uNkulunkulu aya-
kwahlulela ngalo okufihliweyo
kwabantu ngokwevangeli lami
ngoKristu Jesu.**

II kuThimothewu 4:1

**Ngiyaqinisa phambi kukaNku-
lunkulu noKristu Jesu oyakwahlu-
lela abaphilayo nabafileyo nango-
kubonakala kwakhe nombuso wa-
khe, ngithi.**

NgokukaJohane 14:6

UJesu wathi kuye: Mina ngiyindlela, neqiniso, nokuphila; akakho oza kuBaba ngaphandle kwami.

NgokukaJohane 8:24

Ngakho-ke ngathi kini nizakufela ezonweni zenu; ngokuba uma ningakholwa ukuthi nginguye, nizakufela ezonweni zenu.

KumaHeberu 5:9

Esephelelisiwe waba-yisisusa sokusindiswa okuphakade kubo bonke abamlalelayo.

IzEnzo 4:12

Ayikho insindiso ngomunye, ngokuba alikho futhi elinye iga-

ma phansi kwezulu elinikiwe ebantwini, esimelwe ukusindiswa ngalo.

KumaHeberu 7:25

Ngakho-ke unamandla okusindisa ngokupheleleyo abeza kuNkulunkulu ngaye, lokhu ephilela njalo ukubamela.

I kwabaseThesalonika 5:9

Ngokuba uNkulunkulu kasimiselanga ulaka kepha ukuba sizuze ukusindiswa ngeNkosi yethu uJesu Kristu.

NgokukaJohane 10:9

Mina ngiyisango; uma umuntu engena ngami, uyakusindiswa, angene, aphume, afumane idlelo.

KwabaseKolose 1:12-14

Nibonga uYise owanenza nifanele isabelo sefa labangcwele eku-khanyeni, owasikhulula emandle-ni obumnyama nowasibeka e-mbusweni weNdodana yothando lwakhe; okukuyo sinokuhlengwa, ukuthethelelwa kwezono.

NgokukaLuka 19:10

Ngokuba iNdodana yomuntu izé ukufuna nokusindisa okulahle-kileyo.

I kwabaseKorinte 1:30

Kepha ngaye nikuJesu Kristu owenzelwe thina ukuhlakanipha okuvela kuNkulunkulu nokulu-nga kanye nokungcweliswa noku-hlengwa.

IsAmbulo 5:9

Ahlabelela igama elisha, athi: Ufanele wena ukuyithabatha i-ncwadi nokuvula izimpawu zayo, ngokuba wahlatshwa, wabathe-ngela uNkulunkulu ngegazi lakho abavela kuyo yonke imindeni, ne-zilimi, nabantu, nezizwe.

KuThithu 2:14

Owazinikela ngenxa yethu, u-kuze asihlengi ebubini bonke, asi-hlambulule isizwe esingesakhe, si-shisekele imisebenzi emihle.

KwabaseRoma 3:24

Balungisiswe ngesihle ngomusa wakhe ngokuhlengwa okukuKri-stu Jesu.

KwabaseRoma 5:9

Ngakho kakhulu sesilungisisiwe ngegazi lakhe, siyakusindiswa ngaye olakeni.

Kwabase-Efesu 1:7

Esinokuhlengwa kuye ngegazi lakhe, ukuthethelelwa kwezono ngokwengcebo yomusa wakhe.

I kaJohane 1:7

**Kepha uma sihamba ekukhanyeni, njengalokhu yena uqobo e-
sekukhanyeni; khona sinehlangu-
nyelo omunye nomunye, negazi
likaJesu iNdodana yakhe liyasi-
hlambulula ezonweni zonke.**

I kaPetru 1:18, 19

**Nazi ukuthi anihlengwanga e-
kuhambeni kwenu okuyize enaku-**

**nikezwa ngawoyihlo ngezinto ezi-
bhubhayo, isiliva negolide, kodwa
ngegazi elinqabileyo likaKristu
kungathi elewundlu elingenacala,
elingenabala.**

KumaHeberu 9:14

**Kakhulu kangakanani igazi li-
kaKristu owazinikela kuNkulu-
nkulu ngoMoya ophakade enge-
nacala lizakuhlaza unembeza
wethu emisebenzini efileyo, uku-
ze sikhonze uNkulunkulu ophila-
yo.**

NgokukaMathewu 26:28

**Ngokuba lokhu kuyigazi lami
lesivumelwano elithululwa nge-
nxa yabangingi kukho ukuthethe-
lelwa kwezono.**

Kwabase-Efesu 2:8, 9

Ngokuba ngomusa nisindisiwe ngokukholwa; nalokhu akuveli kini, kuyisipho sikaNkulunkulu; akuveli ngemisebenzi, ukuze kungabikho ozibongayo.

KwabaseRoma 5:1

Ngakho lokhu sesilungisisiwe ngokukholwa, sinokuthula kuNkulunkulu ngeNkosi yethu uJesusu Kristu.

NgokukaJohane 20:31

Kodwa lezi zilotshiwe ukuba nikholwe ukuthi uJesusu unguKristu, iNdodana kaNkulunkulu, nokuba nikholwe, nibe-nokuphila egameni lakhe.

KwabaseGalathiya 5:6

Ngokuba kuKristu Jesu akusizi-lutho nakusoka nakungasoki, kepha kuphela ukukholwa okusebenza ngothando.

I kaJohane 5:4

Ngokuba konke okuzelwe nguNkulunkulu kuyalinqoba izwe; lokhu kuyinqobo enqobé izwe: ukukholwa kwethu.

NgokukaJohane 6:28, 29

Bathi-ke kuye: Singenzani ukuba sisebenze imisebenzi kaNkulunkulu na? Waphendula uJesusu, wathi kubo: Umsebenzi kaNkulunkulu yilowo ukuba nikholwe nguye amthumileyo.

AmaHubo 103:11

Ngokuba njengokuphakama kwezulu phezu komhlaba unjalo umusa wakhe phezu kwabamesabayo.

KuThithu 3:5

Wasisindisa kungengamisebenzi yokulunga esayenzayo thina kepha ngokwesihawu sakhe ngesigezo sokuphindukuzalwa nokwenziwa sibe-basha ngoMoya oNgcwelle.

AmaHubo 103:17

Kepha umusa kaJehova uphezu kwabamesabayo kwaphakade kuze kube-phakade, nokulunga kwakhe kubantwana babantwana.

IsiLilo 3:22, 23

Ngumusa kaJehova ukuthi asiqediwe, ngokuba ububele bakhe abupheli. Busha ekuseni njalo; ukuthembeka kwakho kukhulu.

UMika 7:18

Ngubani onguNkulunkulu onjengawe othethelela insali yefa lakho ububi bayo, uyiyekele isiphambeko sayo, na? Akabambeli entukuthelweni yakhe kuze kube-phakade, ngokuba wename-la umusa.

AmaHubo 108:4

Ngokuba umusa wakho mkhulu phezu kwezulu, nokuthembeka kwakho kuze kube-semafwini.

IsAmbulo 22:17

UMoya nomlobokazi bathi: Woza! Nozwayo makathi: Woza! Nowomileyo makeze; othandayo makathabathe amanzi okuphila ngesihle.

NgokukaJohane 7:37

Kepha ngosuku lokugcina olukhulu lomkhosi uJesu wema wamemeza wathi: Uma ekhona owomileyo, akeze kimi, aphuze.

Ulsaya 55:1

We nina nonke enomileyo, wozani emanzini; nani eningenamali wozani nithenge, nidle; wozani nithenge ngaphandle kwemali, yebo, iwayini nobisi, kungabizwalutho.

NgokukaMathewu 11:28

Zanini kimi nina nonke enikhatheleyo nenisindwayo, mina ngizakuniphumuza.

Ulsaya 1:18

Wozani-ke, sihethe indaba, usho uJehova; noma izono zenu zibomvu kakhulu, ziyakuba-mhlophe njengeqhwa; noma zibomvu njengokububende, ziyakuba-njengoboya bezimvu.

UGenesise 7:1

UJehova wathi kuNowa: Ngena emkhunjini, wena nendlu yakho yonke, ngokuba ngikubonile wena uku'hi uqotho phambi kwamikulesisizukulwane.

AKUBO BONKE ABANTU ABANGABANTWANA BAKANKULUNKULU

I kaJohane 3:10

Ngalokho kubonakala abantwana bakaNkulunkulu nabantwana bakaSathane; lowo ongenzi ukulunga akasiye okaNkulunkulu, naye ongamthandi umzalwane wakhe.

KwabaseRoma 8:14, 15

Ngokuba bonke abaholwa nguMoya kaNkulunkulu, labo bangabantwana bakaNkulunkulu. Ngokuba anamukeliswanga umoya wobugqila ukuba nibuye nesa-be, kepha namukeliswa umoya wobuntwana esimemeza ngaye si-thi: Aba, Baba!

KwabaseFilipi 2:15

Ukuze nibe-ngabangasolekiyo nabangenacala, abantwana bakaNkulunkulu abangenasici phakathi kwesizukulwane esiyisigwegwe nesiphambeneyo, enikhanya phakathi kwaso njengezinkanyiso ezweni.

II kwabaseKorinte 6:17, 18

Ngakho-ke phumani phakathi kwabo, nahlukane nabo, isho iNkosi; ningathinti okungcolileyo; khona ngiyakunamukela, ngibenguYihlo kini, nina nibe-ngamadodana namadodakazi kimi, isho iNkosi uSomandla.

OLUNAMANDLA**IzAga 23:31, 32**

**Ungalibuki iwayini ukuthi libo-
mvu, nokuthi licwebezela ende-
beni, ukuba lehle kalula. Ngase-
kugcineni liyaluma njengenyoka,
lihlabe njengebululu.**

UIsaya 5:11

**Wo kubona abavuka ekuseni,
ukuze balandele uphuzo oluna-
mandla, balibale kuze kuhlwe, ba-
she iwayini!**

KwabaseGalathiya 5:19-21

**Kepha imisebenzi yenyama i-
sobala, engukuthi: ubufebe, noku-
ngcola, namanyala, nokukhonza
izithombe, nokuthakatha, nobu-**

**tha, nokulwa, nomona, nokuthu-
kuthela, nokubanga, nokwalana,
nokwahlukana, nomhawu, noku-
dakwa, nokuxokozela, nokunjalo
engandulela ukunitshela ngakho,
njengokuba senganitshela ukuthi
abenza okunje abayikulidla ifa lo-
mbuso kaNkulunkulu.**

KwabaseRoma 13:13, 14

**Asihambe ngokufaneleyo nje-
ngasemini, kungabi-ngokuminza
nokudakwa, kungabi-ngobufebe
namanyala, kungabi-ngokuxaba-
na nomhawu; kodwa yembathani
iNkosi uJesu Kristu, ninganake-
keli inyama kuvuswe izinkanuko.**

NgokukaMathewu 22:37, 38

UJesu wathi kuye: Woyithanda iNkosi uNkulunkulu wakho ngayo yonke inhliziyo yakho, nangawo wonke umphefumulo wakho, nangayo yonke ingqondo yakho.

NgokukaMarku 10:17-22

Ekuphumeni kwakhe ukuya e-ndleleni umuntu wagijimela kuye, waguqa ngamadolo phambi kwakhe, wambuza wathi: Mfundisi omuhle, ngiyakwenzani ukuba ngidle ifa lokuphila okuphakade na? Kepha uJesu wathi kuye: Ungibizelani ngokuthi ngimuhle na? Kakho omuhle, munye kuphela, uNkulunkulu. Uyayazi imiyalelo u-

kuthi: Ungabulali, ungaphingi, ungebi, ungafakazi amanga, ungamamuki umuntu utho, yazisa uyihlo nonyoko. Kepha wathi kuye: Mfundisi, konke lokho ngikugcinile kwasebusheni bami. UJesu wayesembheka, emthanda, wathi kuye: Usasilalelwe into inye; hamba uthengise ngakho konke onakho, uphe abampofu, khona uzakuba-negugu ezulwini; uze ungi-landele. Kepha wanyukumala ngalelozwi, wamuka edabukile, ngokuba wayenengebo enkulu.

IzAga 16:25

Kukhona indlela eqondile phambi komuntu, kepha ukuphela kwayo kuyizindlela zokufa.

EkaJakobe 1:22

Yibani-ngabalenza izwi, ninga-bingabalizwayo kuphela, nizikho-hlisa.

Kwabase-Efesu 5:6

Maningakholiswa-muntu ngamazwi ayize, ngokuba ngenxa yalezozinto ulaka lukaNkulunkulu lwehlela phezu kwabantwana bokungalaleli.

KwabaseGalathiya 6:3

Ngokuba uma umuntu ezishaya utho, engelutho, uyazikhohlisa.

NgokukaMathewu 24:5

Ngokuba kuyakuza abaningi ngegama lami, bathi: Mina nginguKristu, badukise abaningi.

I kwabaseKorinte 6:9, 10

Kepha kanazi yini ukuthi abangalungile abayikulidla ifa lombuso kaNkulunkulu na? Ningadukiswa. Nazifebe, nabakhonza isithombe, naziphingi, nazihlobongi, nabesilisa abalalanayo, nama-sela, nabahahayo, nazidakwa, nazithuki, nabaphangi abayikulidla ifa lombuso kaNkulunkulu.

I kaJohane 3:7, 8a

Bantwanyana, maningadukiswamuntu; owenza ukulunga ulungile, njengokuba yena elungile; owenza isono ungokaSathane, ngokuba uSathane uyona kwasekuqaleni.

ISONO SILETHA UKUFA

KwabaseRoma 5:12

Ngakho-ke njengalokho isono sangena ezweni ngamuntu munye, nangesono kwangena ukufa, ngokunjalo ukufa kwafikela abantu bonke, lokhu bonke bonile.

EkaJakobe 1:15

Uma inkanuko isithathile, ibeletha isono; nesono sesiphelelisiwe sizala ukufa.

UHezekeli 18:20

Umphefumulo owonayo uyakufa; indodana ayiyikuthwala ukona kukayise, uyise angathwali ukona kwendodana; ukulunga kolungileyo kuyakuba-phezu kwakhe, nobubi bomubi buyakuba-phezu kwakhe.

KwabaseRoma 8:6, 7

Ngokuba ukunaka kwenyama kungukufa, kepha ukunaka kuka-Moya kungukuphila nokuthula. Ngokuba ukunaka kwenyama kungubutha kuNkulunkulu; ngokuba akuwuthobeli umthetho kaNkulunkulu, yebo, futhi kungekwenze.

NgokukaLuka 15:32

Kepha simelwe ukujabula, sitokoze, ngokuba umfowenu lo wayefile, wabuye waphila; wayelahlekile, sewatholakala.

IzAga 11:19

Oqinile ekulungeni uyakuphila, kepha olandela okubi, kuyakubangukufa kwakhe.

NgokukaJohane 11:43, 44

Esekhulumé lokho wamemeza ngezwi elikhulu, wathi: Lazaru, phuma. Waphuma ofileyo eboshwé izinyawo nezandla ngezin dwangu, ubuso bakhe bumboziwe ngeduku. UJesu wathi kubo: Mthukululeni, nimyeke ahambe.

IsAmbulo 1:18

Nophilayo; ngangifile, bheka, sengingophilayo kuze kube-phakade naphakade, futhi nginezihluthulelo zokufa nezeHayidese.

NgokukaJohane 10:17, 18

Ngalokho uBaba uyangithanda, ngokuba ngidela ukuphila kwami ukuba ngibuye ngikuthabathe. Akakho ongangamuka ukuphila

kwami, kodwa ngikudela ngokwami; nginamandla okukudela, nginamandla okubuye ngikuthabathe. Lomyalo ngiwamukele kuBaba.

NgokukaLuka 7:14, 15a

Yasondela, yathinta uhlaka; abaluthweleyo base bema. Yayisithi: Nsizwa, ngithi kuwe: Vuka! Ofileyo wavuka, waqala ukukhuluma. . .

I kwabaseKorinte 15:3, 4

Ngokuba okokuqala nganinika lokho engakwamukela nami ukuthi uKristu wafa ngenxa yezono zethu njengokwemibhalo, nokuthi wembelwa, nokuthi wavuswa kwabafileyo ngosuku lwesithathu njengokwemibhalo.

UDuteronomi 5:7-21

Ungabi-nabanye onkulunkulu ngaphandle kwami.

Ungazenzeli izithombe ezibaziweyo zomfanekiso wokusezulwini phezulu, nokusemhlabeni phansi, nokusemanzini phansi komhlaba; ungazikhothameli, ungazikhonzi. . .

Ungaliphathi ngeze igama lika-Jehova uNkulunkulu wakho, ngokuba uJehova akayikumyeka oliphatha ngeze igama lakhe.

Gcina usuku lwesabatha, ulungcwelise, njengalokho uJehova uNkulunkulu wakho ekuyalile. Izinsuku eziyisithupha uyakusebenza, uwenze wonke umsebenzi

wakho, kepha usuku lwesikhombisa luyisabatha likaJehova uNkulunkulu wakho. . .

Yazisa uyihlo nonyoko, njengalokho uJehova uNkulunkulu wakho wakuyala. . .

Ungabulali.

Ungaphingi.

Ungebi.

Ungafakazi amanga ngomakhelwane wakho.

Ungafisi umfazi womakhelwane wakho; ungafisi indlu yomakhelwane wakho, nensimu yakhe, nenceku yakhe, nencekukazi yakhe, nenkabi yakhe, nembongolo yakhe, nokunye okomakhelwane wakho.

NgokukaLuka 8:17

Ngokuba akukho okusithekileyo okungayikuhlaluka nokuyisifuba okungayikwaziwa, kube-sobala.

AmaHubo 139:8, 12

Uma ngikhuphukela ezulwini, wena ulapho; uma ngendlala icansi lami endaweni yabafuleyo, nangu wena. . . . Ubumnyama bebungayikuba-mnyama kuwe, ngokuba ubusuku bebuyakukhanya nje ngemini, ubumnyama bufane nokukhanya.

IzAga 15:3

Amehlo kaJehova asezindaweni zonke; aqaphela ababi nabahle.

UJobe 34:21, 22

Ngokuba amehlo akhe akuzo izindlela zomuntu; ubona zonke izinyathelo zakhe. Abukho ubumnyama, nethunzi lokufa alikho, lapho abenza okubi bengacasha khona.

UJeremiya 23:24

Ukhona ongacasha ezindaweni ezisithekileyo ukuze ngingamboni na? usho uJehova. Angithi ngiyagcwalisa izulu nomhlaba na? usho uJehova.

IzEnzo 17:27

Ukuze zifune uNkulunkulu, ingabe zingamuzwa, zimfumane; ingani kakude kulowo nalowo kithi.

22 ISIJEZISO SAPHAKADE SABANGAMESABIYO UNKULUNKULU

II kaPetru 3:7

Kepha izulu nomhlaba okukhona manje kubekelelwe umlilo ngalo lona lelizwi, kulindele usuku lokwahlulela nolokubhubha kwabantu abangamesabi uNkulunkulu.

NgokukaMathewu 25:46

Laba bayakumuka, baye ekujezisweni okuphakade, kodwa abalungileyo baye ekuphileni okuphakade.

AmaHubo 9:17

Ababi bayakubuyela endaweni yabafuleyo, bonke abezizwe abakhohlwa uNkulunkulu.

NgokukaMathewu 18:8

Kepha uma isandla sakho sikhubekisa, kumbe unyawo lwakho, kunqume, ukulahle; kungcono kuwe ukuba ungene ekuphileni uyingini noma unyonga kunokuba uphonswe emlilweni ophakade unezandla zombili nezinyawo zombili.

NgokukaMathewu 13:41, 42

INdodana yomuntu iyakuthuma izingelosi zayo, zibuthe, zikhiphelwe embusweni wayo konke okukhubekisayo nabenza okubi, zibaphonse eziko lomlilo; lapho kuyakuba-khona ukukhala nokugedla amazinyo.

KumaHeberu 9:27

Futhi njengalokhu kumiselwe abantu ukuba bafe kanye, emva kwalokhu ukwahlulelwa.

II kaPetru 2:9

INkosi iyakwazi ukuhlangulisa ekulingweni abamesabayo uNkulunkulu, kepha abangalungile iyabagcinela usuku lokwahlulelwa, bajeziswe.

II kwabaseKorinte 5:10

Ngokuba thina sonke simelwe ukubonakaliswa phambi kwesihlalo sokwahlulela sikaKristu, ukuze yilowo nalowo amukele nje ngalokho akwenzileyo esesemzimbeni, noma okuhle noma okubi.

IzEnzo 17:31

Njengokuba umisile usuku azakwahlulela ngalo izwe ngokulunga ngomuntu ammisele lokho, enika bonke ithemba ngokumvusa kwabafuleyo.

I kaJohane 4:17

Ngalokho uthando luphelelisiwe kithi, ukuze sibe-nesibindi ngosuku lokwahlulelwa, ngokuba njengalokhu enjalo yena, sinjalo nathi kulelizwe.

KwabaseRoma 14:12

Ngalokho-ke yilowo nalowo phakathi kwethu uyakuziphendulela kuNkulunkulu.

KwabaseRoma 5:15

Kepha isipho somusa asinjenge-siphambeko; ngokuba uma ngesiphambeko samuntu munye abaninigi bafa, ikakhulu kwavama kwabaningi umusa nesipho sika-Nkulunkulu ngomusa wamuntu munye, uJesu Kristu.

II kwabaseKorinte 9:15

Makabongwe uNkulunkulu ngenxa yesipho sakhe esingakhulumekiyo.

I kaPetru 5:5b

. . . ngokuba uNkulunkulu umelana nabazidlayo, kepha abathobekileyo ubapha umusa.

II kwabaseKorinte 8:9

Ngokuba niyawazi umusa weNkosi yethu uJesu Kristu ukuthi, nakuba ecebile, waba-mpofu ngenxa yenu, ukuze ngobumpofu bakhe nicebe nina.

KwabaseRoma 9:16

Ngakho-ke akuyi ngentando nangokuzikhathaza komuntu, kodwa kuya ngokuhawukela kuka-Nkulunkulu.

IzEnzo 4:33

Abaphostoli baveza ngamandla amakhulu ubufakazi ngokuvuka kweNkosi uJesu; umusa omkhulu wawuphezul kwabo bonke.

IzEnzo 3:19

Ngalokhu phendukani, niguquke ukuba kublangukwe izono zenu.

IzEnzo 17:30

Ngokuba izikhathi zokungazi wazithalalisa uNkulunkulu, kodwa kalokhu usememezela kubantu ukuba bonke ezindaweni zonke baphenduke.

II kwabaseKorinte 7:10

Ngokuba ukudabuka okuya ngokukaNkulunkulu kuveza ukuphenduka angeziso ngakho umuntu, kube-ngukusindiswa, kepha ukudabuka okuya ngokwezwe kuveza ukufa.

NgokukaLuka 13:3

Ngithi kini: Qha, kepha uma ningaphenduki, niyakubhubha kanjalo nonke.

UHezekeli 18:31

Lahlani kini zonke izeqo zenu eneqé ngazo, nizenzele inhliziyo entsha nomoya omusha, ngokuba uyakufelani wena-ndlu yakwa-Israyeli na?

NgokukaMathewu 3:2

Phendukani, ngokuba umbuso wezulu ususondele!

IzAga 28:13

Ofihla iziphambeko zakhe akayikuphumelela, kepha ozivumayo azishiye uyaku'hola umusa.

UIsaya 55:7

Omubi makashiye indlela yakhe, nomuntu owenza okubi imicabango yakhe, abuyele kuJehova, uyakuba-nomusa kuye, yebo, abuyele kuNkulunkulu wethu, ngokuba uyakwenza ukuthethelela kube-kukhulu.

UHezekeli 18:21

Kepha uma omubi ebuya kuzo zonke izono zakhe azenzileyo, agcine zonke izimiso zami, enze ukwahlulela nokulunga, uyakuphila nokuphila; kayikufa.

NgokukaMarku 2:5

UJesu ebona ukukholwa kabo wathi kofé uhlangothi: Ndodana, uthethelelwe izono zakho.

IsAmbulo 3:20

Bheka, ngimi ngasemnyango ngingqongqotha; uma umuntu ezwa izwi lami, avule umnyango, ngiyakungena kuye, ngidle naye, naye adle nami.

NgokukaMathewu 6:14

Ngokuba uma nithethelela abantu iziphambeko zabo, noYihlo wasezulwini uyakunithethelela nani.

IzEnzo 5:31

Lowo uNkulunkulu wamphakamisa ngesokunene sakhe abeyiNkosi noMsindisi ukuba anike ulsrayeli ukuphenduka nokuthethelelwa kwezono.

KwabaseKolose 3:2

Nakani okwaphezulu, ningana-ki okusemhlabeni.

KuThithu 2:11, 12

Ngokuba umusa kaNkulunkulu wokusindisa ubonakalisiwe kubantu bonke; uyasifundisa ukuba sidele ukungakholwa nezinkanuko zezwe, sihambe ngokuqonda, nangokulunga, nangokumesaba uNkulunkulu kulesisikhathi samanje.

EkaJakobe 4:4

Ziphingi, anazi yini ukuthi ukuthanda izwe kungubutha kuNkulunkulu na? Ngakho lowo othanda ukuba-ngumbhobo wezwe, umi eyisitha sikaNkulunkulu.

Ulsaya 1:16

Gezani, nihlanzeke, nisuse ububi bezenzo zenu phambi kwamehlo ami, niyeke ukwenza okubi.

I kaJohane 2:15, 16

Ningathandi izwe nezinto ezisezweni. Uma umuntu ethanda izwe, uthando lukaYise alukho kuye, ngokuba konke okusezweni, inkanuko yenyama, nenkanuko yamehlo, nokuzigabisa ngalokhukuphila, akuveli kuYise, kodwa kuvela ezweni.

Kwabase-Efesu 5:11

Ningahlanganyeli imisebenzi yobumnyama engenazithelo, kepha kunalokho niyidalule.

NgokukaJohane 3:3

UJesu waphendula, wathi kuye: Ngiqinisile, ngiqinisile ngithi kuwe: Uma umuntu engazalwa ngokusha, angewubone umbuso kaNkulunkulu.

I kwabaseKorinte 6:11

Babenzalo abanye kini, kepha senahlanzwa, senangweliswa, senalungisiswa ngegama leNkosi uJesu Kristu nangoMoya kaNkulunkulu wethu.

UHezekeli 36:26

Ngiyakuninika inhliziyo entsha, ngifake phakathi kwenu umoya omusha, ngikhiphe inhliziyo yetshe enyameni yenu, ngininike inhliziyo yenyama.

I kaJohane 2:29

Uma nazi ukuthi ulungile, yazini ukuthi yilowo nalowo owenza ukulunga uzelwe nguye.

I kaPetru 1:23

Senizelwe kabusha kungengambewu ephelayo kodwa ngengapheliyo, ngezwi eliphilileyo neli-miyo likaNkulunkulu.

II kwabaseKorinte 5:17

Kanjalo uma umuntu ekuKristu, uyisidalwa esisha; okwakuqala kudlulile; bheka, sekuvelé okusha.

I kaJohane 5:18

Siyazi ukuthi yilowo nalowo ozelwe nguNkulunkulu akoni, ngokuba ozelwe nguNkulunkukulu uyazigcina, nomubi akamthinti.

UKUFA MAQONDANA NESONO – UKUVUKA KUKRISTU 29

Kwabase-Efesu 2:1, 6

Uniphilisile nani enanifile ngeziphambeko nangezono zenu. . . . wasivusa kanye naye, wasihlalisa kanye naye embusweni wezulu kuKristu Jesu.

KwabaseKolose 3:1

Ngakho uma navuswa kanye noKristu, funani okwaphezulu, lapho ekhona uKristu, ehlezi ngakwesokunene sikaNkulunkulu.

I kaPetru 2:24

Yena owathwala izono zethu emzimbeni wakhe emthini, ukuze kuthi sesifile ezonweni siphile ekulungeni, oyena imivimbo yakhe naphulukiswa ngayo.

KwabaseRoma 6:2, 11

Thina esafa maqondana nesono singabuye sihambe kanjani kuso na? . . . Kanjalo nani manizisho ukuthi ningabafileyo maqondana nesono, kodwa niphilele uNkulunkulu kuKristu Jesu.

KwabaseKolose 2:13

Nani-ke ebenifile ngeziphambeko nangokungasoki kwenyama yenu wanenza nibe-ngabaphilayo kanye naye esithethelela zonke izono zethu.

KwabaseGalathiya 5:24

Kepha abakaKristu Jesu babethele esiphambanweni inyama kanye nokuhheka nezinkanuko.

NgokukaJohane 3:14, 15

Njengokuba uMose waphakamisa inyoka ehlane, kanjalo iNdodana yomuntu imelwe ukuphakanyiswa ukuba yilowo nalowo okholwa yiyo abe-nokuphila okuphakade.

KwabaseRoma 6:23

Ngokuba inkokhelo yesono ingukufa, kepha isipho somusa siKaNkulunkulu singukuphila okuphakade kuKristu Jesu iNkosi yethu.

NgokukaJohane 17:3

Ukuphila okuphakade yilokhu ukuba bazi wena-Nkulunkulu wedwa oqinisileyo, nomthumileyo, uJesu Kristu.

NgokukaJohane 3:36

Okholwa yiNdodana unokuphila okuphakade; kepha ongakholwa yiNdodana kayikubona ukuphila, kodwa intukuthelo kaNkulunkulu ihlezi phezu kwakhe.

KwabaseGalathiya 6:8

Ngokuba ohlwanyelela inyama yakhe uyakuvuna ukubhubha kuyo inyama; kepha ohlwanyelela uMoya uyakuvuna ukuphila okuphakade kuMoya.

NgokukaJohane 5:24

Ngiqinisile, ngiqinisile ngithi kini: Ozwa izwi lami, akholwe ngongithumileyo, unokuphila okuphakade; akayi ekwahlulelweni, kepha usephumile ekufeni, wangenana ekuphileni.

Ulsaya 32:17

Umsebenzi wokulunga uyakuba-ngukuthula, impumelelo yokulunga ibe-ngukulondeka kuze kube-phakade.

KwabaseRoma 8:16

Yena lowoMoya ufakaza kanye nomoya wethu ukuthi singabantwana bakaNkulunkulu.

I kaJohane 3:18, 19, 24

Bantwanyana, masingathandi ngezwi nangolimi, kodwa ngezwezo nangeqiniso. Ngalokho siyazi ukuthi singabeqiniso; sizakuyithulisa inhliziyo yethu phambi kwakhe. . . Ogcina imiyalo yakhe uhlala kuye, naye uqobo uhlala ku-

ye; siyazi ngalokho ukuthi uhlala kithi ngaye uMoya asiniké yena.

I kaJohane 4:13

Ngalokho siyazi ukuthi sihlala kuye, naye kithi, ngokuba uiphile okukaMoya wakhe.

KwabaseGalathiya 4:6

Lokhu ningamadodana, uNkulunkulu uthumile uMoya weNdodana yakhe ezinhliziyweni zenu omemeza ethi: Aba, Baba!

NgokukaJohane 14:21

Onemiyalo yami ayigcine, nguyena ongithandayo; ongithandayo uyakuthandwa nguBaba, nami ngiyakumthanda, ngizibonakalise kuye.

32 UKUHLALA KUKAKRISTU KUMUNTU KUNIKA UKUTHOKOZA

NgokukaJohane 17:13

Sengiza kuwe kalokhu; ngikhuluma lokhu ezweni ukuba babenokuthokoza kwami, kugcwale kubo.

AmaHubo 16:11

Uyakungazisa indlela yokuphila; ukugcwala kwenjabulo kusebusweni bakho; intokozo isesandleni sakho sokunene kuze kube-phakade.

KwabaseRoma 14:17

Ngokuba umbuso kaNkulunkulu awusikho ukudla nokuphuza kepha ungukulunga, nokuthula, nokuthokoza eMoyeni oNgcwele.

KwabaseGalathiya 2:20

Akuseyimi ophilayo, kepha uKristu uphila kimi; kodwa ukuphila engikuphilayo kalokhu enyameni ngikuphila ngokukholwa, okungukukholwa yiNdodana kaNkulunkulu eyangithandayo, yazinikela ngenxa yami.

UIsaya 12:3

Ngalokho niyakukha amanzi ngokujabula emithonjeni yensindiso.

NgokukaJohane 15:11

Nginitshelile lokho ukuba ukuthokoza kwami kube-kini, nokuthokoza kwenu kugcwale.

USamuweli I 12:15

Kepha uma ningalaleli izwi likaJehova, nihlubuke esiyalezweni sikaJehova, khona isandla sikaJehova siyakumelana nani, njengalokho samelana nawoyihlo.

KwabaseRoma 6:16

Anazi yini ukuthi lowo enizinkela kuye ukuba nibe-yizinceku zokumlalela, niyizinceku zakhe enimlalelayo, noma ezesono kube-ngukufa noma ezokulalela kube-ngukulunga, na?

II kwabaseThesalonika 1:7-9

Aniphe nina enihluphekayo ukuphumula kanye nathi ekwambulweni kweNkosi uJesu, evela

ezulwini, enezingelosi zamandla akhe, elangabini lomlilo, ephindisela kwabangamazi uNkulunkulu nakwabangalaleli ivangeli leNkosi yethu uJesu, abazakunikwa isijeziso esingukubhujiswa okuphakade, basuke phambi kobuso beNkosi naphambi kwenkazimulo yamandla akhe.

UDuteronomi 11:26-28a

Bheka, ngibeka phambi kwakho namuhla isibusiso nesiqalekiso, isibusiso, uma niyilalela imiyalo kaJehova uNkulunkulu wenu enginiyala ngayo namuhla, nesiqalekiso, uma ningayilaleli imiyalo kaJehova uNkulunkulu wenu. . .

KwabaseFilipi 2:11

Nezilimi zonke zivume ngokuthi **UJESU KRISTU UYINKOSI**, kube-yinkazimulo kuNkulunkulu uYise.

I kaJohane 2:23

Yilowo nalowo ophika iNdodana akanaye uYise; ovuma iNdodana unaye noYise.

NgokukaLuka 9:26

Ngokuba yilowo nalowo onezinhloni ngami nangamazwi ami ngaye lo iNdodana yomuntu iyakuba-nezinhloni, lapho iza ngenkazimulo yayo nekaYise neyazingelosi ezingcwele.

NgokukaMathewu 10:32, 33

Ngalokho-ke yilowo nalowo oyakungivuma phambi kwabantu, nami ngiyakumvuma phambi kuKaBaba osezulwini; kepha lowo oyakungiphika phambi kwabantu, nami ngiyakumphika phambi kuKaBaba osezulwini.

KwabaseRoma 10:9, 10

Ngokuba uma uvuma ngomlomo wakho ukuthi uJesu uyiNkosi, ukholwa enhliziyweni yakho ukuthi uNkulunkulu wamvusa kwabafuleyo, uyakusindiswa; ngokuba umuntu ukholwa ngenhliziyoy kube-ngukulunga, ngomlomo uyavuma kube-ngokusindiswa.

II kwabaseThesalonika 2:9

**Lowo okufika kwakhe kungo-
kokusebenza kukaSathane ngawo
onke amandla, nezibonakaliso,
nezimangaliso zamanga.**

IzEnzo 26:18

**Ukuvula amehlo abo ukuba ba-
suke ebumnyameni, baphenduke-
le ekukhanyeni, basuke emandle-
ni kaSathane, baphendukele ku-
Nkulunkulu, ukuze bamukeliswe
ukuthethelelwa kwezono nesabelo
phakathi kwabangcwelisiweyo
ngokukholwa kimi.**

I kaPetru 5:8

**Qondani, nilinde. Isitha senu,
uSathane, siyahamba njengebhu-**

**besi elibhodlayo sifuna esinga-
mgwinya.**

Kwabase-Efesu 6:11

**Hlomani izikhali zonke zika-
Nkulunkulu, ukuze nibe-nama-
ndla okumelana namaqhinga ka-
Sathane.**

NgokukaMathewu 4:1, 10, 11:

**Khona uJesu waholelwa ngu-
Moya ehlane ukuba alingwe ngu-
Sathane. . . . Khona uJesu wathi
kuye: Suka, Sathane, ngokuba ku-
lotshiwe ukuthi: Wokhuleka e-
Nkosini uNkulunkulu wakho, u-
mkhonze yena yedwa. USathane
wayesemshiya; bheka, kwafika i-
zingelosi, zamkhonza.**

II kwabaseThesalonika 2:8

Lapho-ke uzakwambulwa lowo ongenamthetho, eyakumqeda i-Nkosi uJesu Kristu ngomoya womlomo wayo, imchithe ngokubonakala kokufika kwayo.

EkaJakobe 4:7, 8a

Ngakho thobelani uNkulunkulu, kepha nimelane noSathane, khona uyakunibalekela; sondelani kuNkulunkulu, khona uyakusondela kinina. . .

I kaJohane 3:8

Owenza isono ungokaSathane, ngokuba uSathane uyona kwasekuqaleni. INdodana kaNkulunkulu yabonakaliswa ngalokhu, ukuze ichithe imisebenzi kaSathane.

KkabaseRoma 8:35, 37

Ngubani ozakusahlukanisa nothando lukaKristu na? Noma ukuhlupheka, noma ukubandezeka, noma ukuzingelwa, noma indla-la, noma ukuhamba-ze, noma ingozi, noma inkemba, na? . . . Kepha kukho konke lokho siyanqoba nokunqoba ngowasithandayo.

KumaHeberu 2:14

Ngakho-ke njengokuba abantwana bahlanganyela igazi nenyama, naye uqobo wahlanganyela khona lokho, ukuze ngokufa amchithe obenawo amandla okufa onguSathane.

I kaJohane 4:20

Uma umuntu esho ukuthi: Ngiyamthanda uNkulunkulu, kepha ezonda umzalwane wakhe, ungu-mqambimanga; ngokuba ongathandi umzalwane wakhe ambonileyo angemthande uNkulunkulu angambonanga.

KwabaseGalathiya 5:22, 23a

Kepha izithelo zikaMoya ziluthando, nokujabula, nokuthula, nokubekezela, nobubele, nobuvi, nokukholeka, nobumnene, nokuzithiba. . .

NgokukaJohane 13:35

Ngalokho bonke bayakukwazi ukuthi ningabafundi bami, uma nithandana.

NgokukaJohane 21:16

Wabuye wathi kuye ngokwesibili: Simoni kaJona, uyangithanda na? Wathi kuye: Yebo, Nkosi, uyazi wena ukuthi ngiyakuthanda. Wathi kuye: Yalusa izimvu zami.

I kwabaseKorinte 13:1

Noma ngikhuluma ngezilimi zabantu nezezingelosi, kepha ngingenalo uthando, ngiyithusi elikhencezayo nensimbi encencethayo.

I kaJohane 3:14

Siyazi ukuthi sidlulile ekufeni, sangena ekuphileni, ngokuba sithanda abazalwane; ongathandiyo uhlezi ekufeni.

NgokukaMarku 16:9

Esevukile, kusekuseni ngosuku lokuqala lweviki, wabonakala kuqala kuMariya Magdalena aye-
khiphé kuye amademoni ayisi-
khombisa.

IzEnzo 10:39-41

Nathi singofakazi bezinto zonke azenzayo ezweni labaJuda naseJerusalema yena abambulalayo bemphanyeka emthini. Lowo uNkulunkulu wamvusa ngosuku lwesithathu, wamnika ukuba abonakale, kungekubantu bonke kodwa kithina esingofakazi ababekhethwé nguNkulunkulu ngaphambili, esasidla siphuza naye emva kokuvuka kwakhe kwabafileyo.

NgokukaJohane 20:26-28

Emva kwezinsuku eziyisishiya-galombili abafundi bakhe babe-sendlini futhi, uTomase enabo. UJesu wafika iminyango ivaliwe, wema phakathi kwabo, wathi: Ukuthula makube-kinina. Wayesethi kuTomase: Zisa lapha umunwe wakho, ubone izandla zami; zisa isandla sakho, usifake ohlangothini lwami; ungabi-ngongakholwayo kodwa okholwayo. UTomase waphendula, wathi kuye: Nkosi yami, Nkulunkulu wami!

KwabaseRoma 4:25

Owanikelwa ngenxa yeziphambeko zethu, wavuswa ngenxa yokulungisiswa kwethu.

ELIMANGALISAYO

NgokukaMathewu 16:21

Kusukela kulesosikhathi uJesu waqala ukubonisa abafundi bakhe ukuba umelwe ukuya eJerusalema, ahlushwe ngokuningi ngamalunga nangabapristi abakhulu nababhali, abulawe, kepha avuswe ngosuku lwesithathu.

NgokukaJohane 5:25, 28, 29

Ngqiqinisile, ngiqinisile ngithi kini: Isikhathi siyeza, sesikhona namanje, lapho abafileyo beyakulizwa izwi leNdodana kaNkulunkulu; abezwayo bayakuphila. . . . Ningamangali ngalokho, ngokuba isikhathi siyeza, lapho bonke abasemathuneni beyakulizwa

izwi layo, abenzé ukulunga baphumele ekuvukeni kokuphila, abenzé okubi ekuvukeni kokulahlwa.

KwabaseRoma 6:3-5

Kumbe anazi yini ukuthi sonke esabhathizelwa kuKristu Jesu, sabhathizelwa kukho ukufa kwakhe na? Ngakho sembelwa naye ngokubhathizelwa kukho ukufa ukuba njengalokho uKristu wavuswa kwabafileyo ngenkazi-mulo kaYise, kanjalo nathi sihambe ekuphileni okusha. Ngokuba uma sihlanganisiwe kanye naye ngokufa okufananayo, siyakubanjalo nangokuvuka.

NgokukaLuka 1:74, 75

**Ukusinika ukuba sithi sikhulu-
liwe esandleni sezitha zethu, siyi-
khonze singenakwesaba ngobu-
ngcwele nangokulunga phambi
kwayo zonke izinsuku zethu.**

II kuThimothewu 2:15

**Khuthalela ukuba uziveze uthe-
mbekile kuNkulunkulu, isisebenzi
esingenamahloni, esiqondisa ka-
hle izwi leqiniso.**

II kwabaseKorinte 7:1

**Lokhu sinalezozithembiso, ba-
thandwa, masizihlambulule eku-
ngcoleni konke kwenyama noko-
moya, siphelise ubungcwele
ngokumesaba uNkulunkulu.**

I kaPetru 1:2

**Bekhethiwe ngokwaziphambili
kukaNkulunkulu uYise ngoku-
ngcwelisa kukaMoya kukho uku-
lalela nokufafazwa ngegazi lika-
Jesu Kristu: Makwandiswe kinina
umusa nokuthula.**

I kaPetru 1:15

**Kodwa njengowanibizayo e-
ngcwele, manibe-ngcwele nani e-
kuhambeni konke.**

II kuThimothewu 2:21

**Ngalokho uma umuntu ezihla-
nza kulezozinto, uyakuba-yisitsha
esihloniphekayo, esingcwelisiwe,
esinosizo kumnindlu, esilungi-
selwe umsebenzi wonke omuhle.**

Uisaya 35:8

Kuyakuba-khona umendo nendlela eyakuthiwa iNdlela yobu-Ngcwele; ongcobileyo akayikuhamba ngayo, kepha iyakuba-ngeyabantu bakhe; abahamba ngayo, noma beyiziwula, abayikuduka kuyo.

KumaHeberu 13:12

Ngakho-ke naye uJesu, ukuze angcwelise abantu ngegazi lakhe, wahlupheka ngaphandle kwesango.

I kaJohane 1:9

Uma sizivuma izono zethu, uthembekile, ulungile ukuba asi-

thethelele izono, asihlambulule kukho konke ukungalungi.

NgokukaMathewu 3:11

Mina nginibhaphiza ngamanzi, kube-ngukuphenduka; kepha yena oza emva kwami unamandla kunami engingafanele ukuthwala izicathulo zakhe; yena uzakunibhaphiza ngoMoya oNgcwele nangomlilo.

Kwabase-Efesu 1:4

Njengalokho asikhethela kuye ngothando ngaphambi kokusekelwa kwezwe ukuba sibe-ngcwele, singabi-nakusolwa phambi kwakhe.

KwabaseRoma 8:9

Kepha nina anisenyameni, kodwa nikuye uMoya, uma uMoya kaNkulunkulu ehlala kini. Kepha uma umuntu engenaye uMoya ka-Kristu, lowo kasiye owakhe.

NgokukaLuka 11:13

Ngakho-ke uma nina eningababi nikwazi ukubapha abantwana benu izipho ezinhle, kakhulu kangakanani uYihlo osezulwini uzakubapha abacela kuye uMoya oNgcwele.

IzEnzo 1:8a

Kodwa nizakwamukeliswa amandla, uMoya oNgcwele esefikile phezu kwenu. . .

UHezekeli 36:27

Ngiyakufaka umoya wami phakathi kwenu, ngenze ukuba nihambe ngezimiso zami; niyakugcina izahlulelo zami, nizenze.

IzEnzo 4:31

Kwathi sebekhulekile, kwazanyazanyiswa indawo lapho bebebuthene khona, bagcwaliswa bonke nguMoya oNgcwele, bakhuluma izwi likaNkulunkulu ngesibindi.

IzEnzo 11:24

Ngokuba wayeyindoda enhle, egcwele uMoya oNgcwele nokukholwa; kwenezelwa eNkosini abantu abaningi.

IZITHEMBISO EZIMANGALISAYO EZIQONDENE NABAKHOLWAYO

43

Uisaya 66:2

Zonke lezizinto zenziwe yisandla sami, kwavela kanjalo konke lokhu, usho uJehova. Kepha yilowo engiyakubheka kuye: ohluphekayo nonomoya ochobozekileyo, othuthumela ngezwi lami.

IsAmbulo 21:4

Azesule izinyembezi zonke emehlweni abo; ukufa akusayikuba-khona; nokudabuka, nokukhala, nobuhlungu akusayikuba-khona; ngokuba okokuqala kudlulile.

I kaPetru 4:12, 13

Bathandekayo, ningamangali ngomlilo ophakathi kwenu enifi-

kelwa yiwo ukuba nilingwe ngokungathi nehlelwe yinto engaziwayo, kodwa njengalokhu ningabahlanganyeli bezinhlupheko zikaKristu, thokozani, ukuze kuthi nasekwambulweni kwenkazimulo yakhe nithokoze, nethabe nokwethaba.

AmaHubo 37:3

Themba kuJehova, wenze okungileyo; hlala ezweni, uzondle ngokukholeka.

AmaHubo 34:18

UJehova useduze nabo abane-nhliziyo eyaphukileyo; uyabasi-ndisa abanomoya odabukileyo.

I kwabaseKorinte 10:13

Anifikelwanga ukulingwa okungenjengokwabantu; kepha uNkulunkulu uthembekile, ongayikuvuma ukuba nilingwe ngokungaphezu kwamandla enu, kepha oyakuthi kanye nokulingwa anenzele indlela yokuphepha, nize nibe-namandla okukuthwala.

KwabaseRoma 16:20

Kepha uNkulunkulu wokuthula uzakumchoboza masinyane uSathane phansi kwezinyawo zenu.

Uisaya 43:2

Lapho udabula emanzini, mina nginawe; nasemifuleni, ayiyikuku-

khukhula; lapho uhamba emlilweni, awuyikusha, nelangabi aliyikukushisa.

KwabaseRoma 8:28

Siyazi ukuthi kwabamthandayo uNkulunkulu konke kusebenzelana kubengokuhle, kulabo ababizweyo ngecebo lakhe.

AmaHubo 34:19

Ziningi izinhlupheko zolungileyo, kepha uJehova uyamkhulula kuzo zonke.

KumaHeberu 2:18

Ngokuba lokhu wahlupheka yena uqobo elingwa, unamandla okusiza abalingwayo.

IsAmbulo 3:5

Onqobayo uyakwembathiswa kanjalo izingubo ezimhlophe, negama lakhe angisoze ngalesula encwadini yokuphila, negama lakhe ngiyakulivuma phambi kuka-Baba naphambi kwezingelosi zakhe.

IsAmbulo 3:12

Onqobayo ngiyakumenza abeyinsika ethempelini likaNkulunkulu wami, futhi akasoze aphuma khona; ngiyakuloba negama likaNkulunkulu wami phezu kwakhe, negama lomuzi kaNkulunkulu wami, iJerusalema elisha elehla ezulwini kuNkulunkulu wami, negama lami elisha.

IsAmbulo 21:7

Onqobayo uyakulidla ifa lalezozinto, futhi ngiyakuba-nguNkulunkulu kuye, yena abeyindodana kimi.

IsAmbulo 2:7

Onendlebe makezwe lokho akushoyo uMoya emabandleni. Onqobayo ngiyakumnika ukuba adle kuwo umuthi wokuphila ose-Paradisi likaNkulunkulu.

IsAmbulo 3:21

Onqobayo ngiyakumnika ukuba ahlale nami esihlalweni sami sobukhosi, njengalokho nami nganqoba, ngahlala noBaba esihlalweni sakhe sobukhosi.

NgokukaMathewu 5:32

Kepha mina ngithi kini: Yilowo nalowo olahla umkakhe kungengenxa yokuphinga umenza aphinge, noganwa ngolahliweyo uyaphinga.

NgokukaLuka 16:18

Yilowo nalowo olahla umkakhe, aganwe ngomunye, uyaphinga; noganwa ngolahliwe yindoda uyaphinga.

KwabaseRoma 7:2, 3

Ngokuba owesifazane oganileyo uboshelwe ngomthetho endodeni isekhona; kepha nxa indoda isifile, ukhululiwe emthethweni wendoda. Ngalokho-ke lapho indoda isekhona, uyakuthiwa isi-

phingi, uma eba-ngowenye indoda; kepha nxa indoda isifile, ukhululekile emthethweni, angebeyisiphingi, uma eba-ngowenye indoda.

I kwabaseKorinte 7:10, 11, 39

Kepha abaganeneyo ngiyabayala, kungemina kodwa yiNkosi, ukuthi umfazi kangahlukane nendoda; —kepha uma eké wahlukana nayo, kahlale engaganile, kumbe abuyisane nendoda yakhe —nendoda ingamlahli umkayo. . . . Umfazi uboshiwe ngesikhathi indoda yakhe isekhona; kepha uma indoda isifile, ukhululekile, angendela nakubani ngokubona kwakhe, kuphela ukuba kubeseNkosini.

NgokukaMathewu 24:27

Ngokuba njengonyazi luphuma empumalanga, lubonakale kuze kube-sentshonalanga, kuyakubanjalo ukufika kweNdodana yomuntu.

NgokukaMathewu 24:30

Khona kuyakubonakala ezulwini isibonakaliso seNdodana yomuntu, besezikhala izizwe zonke zomhlaba, zibone iNdodana yomuntu iza emafwini ezulu, inama ndla nenkazimulo enkulu.

NgokukaJohane 14:3

Nanxa ngiya nginilungisela indawo, ngobuye ngize, nginibuyisele kimi ukuba lapho ngikhona nibe-khona nani.

IsAmbulo 3:11

Ngiyeza masinyane; bambisisa lokho onakho, ukuze kungabikhomuntu okwamuka umqhele wakho.

NgokukaMarku 8:38

Ngokuba yilowo nalowo onezinhloni ngami nangamazwi ami kulesisizukulwane esiphingayo nesonakeleyo, neNdodana yomuntu iyakuba-nezinhloni ngaye, lapho iza ngenkazimulo kaYise kanye nezingelosi ezingcwele.

EkaJakobe 5:8

Bekezelani nani, niqinise izinhliziyu zenu, ngokuba ukufika kweNkosi kusondele.

NgokukaLuka 21:27

Khona bayakuyibona iNdodana yomuntu iza efwini, inamandla nenkazimulo enkulu.

NgokukaMathewu 16:27

Ngokuba iNdodana yomuntu iyakuza ngenkazimulo kaYise kanye nezingelosi zayo; khona-ke iyakuvuza yilowo nalowo ngesenzo sakhe.

IzEnzo 1:11

Athi: Madoda aseGalile, nimeni nibheka ezulwini na? UJesu lo, osuswé kini enyuselwa ezulwini, uyakuza kanjalo, njengalokho nimbonile eya ezulwini.

I kaJohane 3:2

Bathandekayo, manje singabantwana bakaNkulunkulu, kepha akukabonakali esiyakuba-yikho. Siyazi ukuthi, nxa ebonakaliswa, siyakuba-njengaye, ngokuba siyakumbona njengokuba enjalo.

IsAmbulo 16:15

Bheka, ngiyeza njengesela; ubusisiwe olindayo, alonde izingubo zakhe ukuba angabi-ngohamba-ze, baze balibone ihlazo lakhe.

NgokukaLuka 12:40

Nani manibe nilungile, ngokuba iNdodana yomuntu iyeza ngesikhathi eningasibabangiyo.

IZWI LIKANKULUNKULU

II kaPetru 1:21

Ngokuba akuzange kuvezwe isiprofetho ngentando yomuntu, kepha abantu beqhutshwa nguMoya oNgcwele bakhuluma okukaNkulunkulu.

AmaHubo 119:105

Izwi lakho liyisibani ezinyaweni zami nokukhanya endleleni yami.

UDuteronomi 4:2

Aniyikuthasisela ezwini enginiyala ngalo, ninganciphisi futhi kulo, ukuba nigcine imiyalo kaJehova uNkulunkulu wenu enginiyala ngayo.

NgokukaMathewu 22:29

Kepha uJesu waphendula, wathi kubo: Nidukile ningayazi imibhalo namandla kaNkulunkulu.

NgokukaLuka 21:33

Kuyakudlula izulu nomhlaba, kepha amazwi ami awasoze adlula.

II kuThimothewu 3:16

Yonke imibhalo iphefumulelwe nguNkulunkulu ilungele ukufundisa, nokusola, nokuqondisa, nokuyala, ekulungeni.

AmaHubo 119:11

Enhliziyweni yami ngiyalonda izwi lakho, ukuze ngingoni kuwe.

Published in numerous languages by the World Missionary Press as God supplies funds in answer to prayer. If you would like more copies for careful distribution, write in English to:

**World Missionary Press, Inc.
Box 120
New Paris, Indiana 46553 U.S.A.**

Quotations from the Bible in Zulu © Bible Society of South Africa, used with permission of the publishers.

South Africa

97 Zulu

ZUU